

Stipendije za Seminar Week Evropskog Foruma Alpbach - odaberite svoju temu i prijavite se za stipendiju!

Inicijativna Grupa Alpbach u Sarajevu (IGAS) u saradnji sa **Sparkasse Bank BiH** dodjeljuje 2 (dvije) stipendije za učešće na Seminar Week-u u okviru Evropskog Foruma Alpbach 2015.

Seminar Week će se održati **od 19. do 25. 08. 2015.** godine u tirolskom selu Alpbach smještenom u austrijskim Alpama, kao prvi dio Evropskog Foruma Alpbach. Seminar Week je sačinjen od 16 interdisciplinarnih seminara, koji se krovne teme ovogodišnjeg Foruma - „**InEquality**“ dotiču iz različitih perspektiva.

Detaljan program Seminar Week-a možete preuzeti [ovdje](#).

Za stipendiju se mogu prijaviti sve mlade osobe sa područja Bosne i Hercegovine koje ranije nisu bili dobitnik stipendija Evropskog Foruma Alpbach i/ili Inicijativne Grupe Alpbach u Sarajevu.

Prijavu za stipendiju potrebno je poslati isključivo elektronski na adresu info@igas.ba **najkasnije do 29.05.2015.** do 23:55h zajedno sa sljedećom dokumentacijom:

- Biografija (CV) aplikanta na engleskom jeziku, ne duža od dvije A4 stranice
- Motivaciono pismo dužine jedne A4 stranice na engleskom jeziku, kojim objašnjavate razloge za apliciranje, uz osvrt na sadržaj seminara i krovnu temu Evropskog Foruma Alpbach 2015
- Dokaz (skeniran) o trenutnom obrazovnom stepenu (potvrda o upisanoj godini ili kopija diplome)
- Drugi dokazi akademskog uspjeha – po želji (skenirani)

Komisija za dodjelu stipendija se sastoji od članova Inicijativne Grupe Alpbach u Sarajevu. Stipendija obuhvata **troškove učešća (kotizacije) i smještaja sa doručkom** i pokrivena je iz sredstava **Sparkasse Bank** BiH. Troškovi prevoza nisu pokriveni stipendijom.

Dobitnici stipendija će o rezultatima biti obaviješteni do 06.06.2015. godine putem e-maila.

Nepotpune i neblagovremene prijave neće biti razmatrane.

Za detaljnije informacije o Evropskom Forumu Alpbach posjetite stranicu www.alpbach.org, stranicu Inicijativne Grupe Alpbach u Sarajevu www.igas.ba, te IGAS [Facebook](#), [Twitter](#) i [LinkedIn](#) profile.

Iskoristite priliku da nadogradite sebe i prijavite se za stipendiju. Radujemo se Vašim prijavama!